



Finansira
Evropska unija



BOSNA I HERCEGOVINA



Ministarstvo za ljudska
prava i izbjeglice

Radni zadatak: Nadogradnja i redizajn Platforme za unapređenje dječijih prava (www.platforma.gov.ba)

Osnovne informacije:

Projekat „Povezivanje tačaka 2 – Unapređenje učešća djece u donošenju odluka za poboljšana prava djeteta i demokratije u BiH“ ima za cilj promociju ljudskih prava i borbu protiv diskriminacije u Bosni i Hercegovini, doprinosi zaštiti i unaprijeđenju dječijih prava kroz odgovorne i etički vođene inicijative u kojima se od strane relevantnih aktera promoviše smisleno i svrsishodno učešće djece. World Vision BH Fondacija implementira navedeni projekat u partnerstvu sa Udruženjem za ostvarivanje prava djeteta “Naša djeca” Sarajevo i Ministarstvom za ljudska prava i izbjeglice BiH uz finansijsku podršku Evropske unije. Projekat doprinosi jačanju napora koje Bosna i Hercegovina mora ispuniti u sektoru prava djeteta - konkretno jačanju održivosti i uticaja mehanizama učešće djece u procesima donošenja odluka na svim nivoima.

Svrha i cilj angažmana

Angažman ima za svrhu nadogradnju i redizajn Platforme za unapređenje dječijih prava (www.platforma.gov.ba), tj. nadogradnju UX/UI, te prijedlog novog grafičkog rješenja kako bi Platforma bila pristupačnija i atraktivnija djeci i mladima, kao primarnim korisnicima Platforme. Uz novo grafičko rješenje, nadogradnju i redizajn Platforme, od izvršioca se očekuje i da osigura digitalnu pristupačnost osobama sa teškoćama (osobama s vizualnim, slušnim, motoričkim i kognitivnim poteškoćama).

Platforma za unapređenje dječijih prava predstavlja mehanizam za umrežavanje, dijaloga, razmjenu informacija o planiranim, tekućim i finaliziranim intervencijama u domenu prava djece, jačanju kapaciteta djece i mladih, ali i razmjenu dobrih praksi između ključnih aktera koji rade u sektoru dječijih prava u BiH, čime se poboljšava predanost i odgovornost naše zemlje za provedbu Konvencije o pravima djece. Jedinstveni je alat koji osigurava da se čuje glas i mišljenje djece o pitanjima i odlukama koje ih se tiču. Platforma je uspostavljena u okviru projekta “Povezivanje tačaka – unapređenje dječijih prava u BiH”, koji je finansirala Evropska unija. Kroz proces evaluacije i konsultacija sa djecom i mladima, te identifikacije postojećih nedostataka, došlo je do potrebe da se Platforma nadogradi u smislu njene dostupnosti/pristupačnosti i sigurnosti za djecu i mlade. Tokom nadogradnje i redizajna Platforme, djeca i mladi će biti konsultovani i angažovani kroz cijeli proces.

Zaduženja i odgovornosti

- Izvršiti procjenu i poziciju Platforme i svih njenih postojećih sadržaja,
- U konsultacijama i saradnji sa projektnim timom, predložiti nadogradnju i novo grafičko rješenje Platforme, a kako bi ista bila pristupačnija djeci (novo grafičko rješenje treba da bude u vidu ilustracije koja će asocirati na cilj djelovanja Platforme i koja će biti vizuelno privlačna djeci),
- Predložiti idejno rješenje zaštitnog znaka Platforme koje će djecu i mlade voditi kroz stranicu i osigurati interaktivnost,
- Predložiti rješenja za osiguranje digitalne pristupačnosti osobama sa teškoćama,
- Predložiti novu paletu boja i alata, kao i poziciju sekcija i podsekcija na Platformi, a u skladu sa usaglašenim prijedlozima od strane projektnog tima,
- Poboljšati funkcionalnost stranice kako bi bila jednostavna za korištenje primarno djeci i mladima,

- te kako bi se osiguralo olakšano kretanje po stranici,
- Predložiti funkcionalno postavljanje već postojećih web alata za komunikaciju i razmjenu na Platformi (Zoom i Box),
- Realizovati obuku za projektno osoblje i partnere na projektu o unosu i izmjeni sadržaja na Platformi,
- Izvršiti optimizaciju Platforme na svim uređajima i testiranje web stranice kada je završena.

Nadograđena i redizajnirana Platforma treba da bude vizuelno i tehnički u skladu sa najnovijim trendovima koji prate web dizajn, te da je osigurana maksimalna sigurnost za korištenje od strane djece i mladih, kao i stabilnost Platforme.

Vremenski okvir:

Očekivani rezultat	Period implementacije ili datum dospjeća
Procjena Platforme i svih njenih postojećih sadržaja	5 decembar 2024.
Nadogradnja i novo grafičko rješenje Platforme, a kako bi ista bila pristupačnija djeci	25 decembar 2024.
Prijedlog nove palete boja i alata, kao i pozicija sekcija i podsekcija na Platformi, a u skladu sa usaglašenim prijedlozima od strane projektnog tima	25 decembar 2024.
Idejno rješenje zaštitnog znaka Platforme koje će djecu i mlade voditi kroz stranicu i osigurati interaktivnost	25 decembar 2024.
Prijedlog rješenja za osiguranje digitalne pristupačnosti osobama sa teškoćama	25 decembar 2024.
Poboljšanje funkcionalnosti stranice kako bi bila jednostavna za korištenje primarno djeci i mladima, te kako bi se osiguralo olakšano kretanje po stranici	25 decembar 2024.
Prijedlog funkcionalnog postavljanje već postojećih web alata za komunikaciju i razmjenu na Platformi (Zoom i Box)	25 decembar 2024.
Obuka za projektno osoblje i partnere na projektu o unosu i izmjeni sadržaja na Platformi	31 decembar 2024.
Optimizacija Platforme na svim uređajima i testiranje web stranice kada je završena	31 decembar 2024.

Ekspertiza i iskustvo

- minimum 5 godina iskustva u web dizajnu,
- izvrsno poznavanje HTML, CSS i javascript tehnologija,
- iskustvo u optimizaciji sadržaja na različite uređaje,
- dokazano poznavanje najnovijih trendova u web dizajnu,
- izvrsno poznavanje sigurnosnih alata i zaštite,
- sposobnost rada u zadatim rokovima.

Prijava

Ponuda treba da uključuje:

1. Portfolio sa referencama (uz navođenje linkova prethodnih radova);
2. Finansijsku ponudu;
3. Kratko pismo namjere.

Konzultant će biti obavezan pridržavati se WVBHF politika o zaštiti djece i zaštiti podataka.